

69. Mala fide tractarunt etiam hoc negotium
Monachi pontificij, qui Christum servatorem, pro
originis quidem culpa satisfecisse; sed pro actuali-
bus peccatis singulos pro se (uti loquebantur) ad
satisfactionem teneri, fuerunt nugati

70. Quæ sanè doctrina & vim atque efficaciam
meriti Christi penitus enervat: & peccatorum no-
strorum atrocitatem mirum in modum elevat: &
tandem miram Theologiam, quoad articulos de
peccato & Redemptione nostra introducit.

71. Aut enim culpa illa Originis gravior est a-
ctualibus hominum peccatis, aut levior. Si gra-
vior, uti cerè est, quippe fons & origo actualium,
qua quæso fronte, merito Christi expiationem a-
ctualium tanquam leviorum derogant? Qui e-
nim majus præstare potuit, quomodo minus ac le-
vius idem præstare non potuisset.

72. Sin levior est originis culpa, ut ipsi quidem
statuerunt Scholastici & Doctores Pontificij, con-
tendentes leviculam ac perexiguam intulisse e-
am humanæ naturæ ejusdemque virium corrhu-
ptionem, adeò ut naturalia post lapsum etiam
manserint planè salva ac integra: per summam sa-
nè blasphemiam Christi meritum extenuatur,
ut quod leviorem culpam expiaverit, gravioren-
nobis exvolendam reliquerit.

73. Errant & Iesuitæ, qui reatum duntaxat
peccatorum à Christo expiatum esse singentes, pœ-
nas corandem nobis exolvendas adhuc restare so-
nniant.

V 2

Nihil.